

樹經堂詩續集

銅鼓亭草下

南康謝啟昆蘇潭

書韓雲卿平蠻頌後

韓秀實八分書  
李陽冰篆額

昨見皇祐平蠻碑今讀大歷平蠻頌兩碑相去三百年  
篆文漫滅不可誦唐季國虜邊患起南詔西原肆封豕  
洞蠻僭號各稱王黃韋周儂互唇齒建中遠築潯州城  
貞元戰破黃少卿殊勲但紀陽招討晏史傳未識昌巖  
名桂州觀察防禦使奉命乃在代宗始俘獲億萬誠元  
凶譬燎洪爐拉枯卉歸國族人部落收同時編置龍武

州井邑無家蔓草沒復安廬舍還耕牛刺史之子容臺

郎

雲卿

將校歌功劍佩鏘卷甲貔貅響未寂鎮南萬丈交

光芒翰林秀實工楷隸少保少進無二致筆虎篆額尤  
瑰奇晚歲畫沙勢迥異惜哉雨漬兼苔痕古釵屋漏手  
難捫寶刻叢編事可考以補史闕叅前聞西控昆明南  
交趾黔湘流毒一朝弭煌煌偉烈空無傳六一明誠未  
睹此楊譚露布未流播斯文零亂墨華澌李唐金石荒  
微稀摩挲斷碣倚雲厨

按李昌巖韓雲卿韓秀實唐書俱無傳潘長安稱安

南王事唐書及通鑑皆不載惟南蠻傳有大歷中以  
潘歸國部落置龍武州戶千五百詔安南節度使綏  
定之歸國卽長安之族又代宗紀大歷八年九月以  
李昌巖爲桂州刺史桂管防禦觀察使平蠻事在蒞  
官之五年韓雲卿官禮部郎中桂州刺史韓廩素之  
子見宰相世系表及昌黎周况妻韓氏墓誌寶刻叢  
編引諸道石刻載此碑甚詳書畫譜韓秀實爲翰林  
善隸楷八分唐少保李少進平蠻碑皆其所書李陽  
冰號筆虎大歷以後諸碑暮年所篆筆法愈淳勁此

碑可補唐史之缺是金石不可廢也蘇潭又跋

蒼梧光孝寺銅鐘歌

鐘高三尺寬一尺七寸上鐫陰文維大漢乾和十六

年太歲戊午閏六月庚辰朔十六日巳未弟子萬華宮使桂州管内招討使特進行內侍上柱國吳懷恩鑄造鴻鐘一口重五百斤置于梧州雲蓋山感報寺永充供養上資當今皇帝龍圖永固聖壽萬春謹記

變起長春人露索拉殺寶王肆殘毒昌華棣萼斧斤尋

更起鐵床生地獄同根戕賊不相容特崇宦寺興楚戎

懷恩招討畧西北連梧柳象紛來攻一時掠取嶺南地

萬華宮使行內侍巳開宴石鐫紫陽

博白縣有南漢乾和十五年都監劉

崇遠新開紫  
陽山裏石記  
又范鴻鐘鎮幽寺雲蓋山高翠冥冥唐代

栴檀發古馨蒼梧雅奏杳何在扣和石鼓喧朝暝石鼓洞在

其旁玉清宮監候窻曉默檻風移伺窈窕龍圖上祝壽萬

年月食牛女身難保重五百斤高三尺製小差合鳧氏

式牢牲視人罪通天懺悔焉能乞帝釋紀年戊午閏六

月甕壙親臨纔幾日是年秋八月劉晟殂飲酣長夜醉魂飛蛟蜃

終隨嶺蛋滅我昔訪古東湖東南唐保大亦有鐘在南昌之

百花洲皆云福國祈永世李花飄落汴梁宮俗人象教資

佛力枉費黃金千萬石珠龍殿沒彭城亡蔓草荒烟悲

偕國名花空號小南強再傳執挺作降王木棉紅照梧  
江冷寺外鐘聲倚夕陽

書富川蔣氏塚西觀寺碑後

蔣氏隋書有傳唐先天中蘇許公嘗

奉勅撰碑此碑爲宋元符三年刻

鐘家姥蔣氏女夫官太守居賀城子爲伏波事陳主來  
質揚都備辛苦遣歸故里食隋土子茂文華作不靖論  
以禍福孰敢侮陵母之智卞母節大義煌煌炳今古開  
皇遺事傳李唐特詔鐫詞潤玉礎許國侍郎濡大筆裔  
孫紹京聞令緒五花詰動縹碧箋九真名重衣冠譜蘋

蔡虛薦園隧荒千載蕙蘭泣風雨富川大尹瑯琊王禁  
護樵蘇新梵宇鍾山重招烈女魂元符三年字可數合  
掌石跡祇今存白馬素衣天貺汝我訪粵西碑隋唐不  
數觀平蠻之頌久模糊虞廟之崖傷鑿斧此石彷彿先  
天本安樂風高慕儀矩巾幘芳名敵戰勲皇英勁氣師  
前武母能教忠子全義愧彼鬚髯作降虜

友人貺荔支十六盆報之以詩兼柬沈秋渚

平生足不履南海飫聞丹荔和露采夜夢忽墮驪龍淵  
徑寸明珠吐百琲青珊瑚葉綴相向磊磊分根列磁盎



昔者道逢浙水邊

閩中荔支貢道出浙江

今日親嘗桂江上蜜漬

酒藏色香變巧匠移栽置郵傳垂黃綻紫烟雨中海山  
仙子重相見渴病暮年思荔醬故人千里得嘉餉投報  
應無瓜李嫌載歸寧防薏苡謗蒼梧之水木蘭舟殊方  
氣味可相投我有冰雪淡一甌飲之能使霧瘴收先生  
飽食無煩憂

南薰亭簡送官兵赴楚遇雨志喜

帶甲寂無聲但聽雨飛閣誰挽灘江流盪此楚氛惡昨  
者軍符催荆襄賴鎖鑰便宜不俟命令下齊踴躍問渠

胡能然征苗昔偕作死者邀廕襲生還拜封爵刀圭防

汝疾

余製暑痧藥數千九施軍士

糗糧充汝橐誓言殲長鯨前旌導

朱雀中權得牧頗

訓蘇軍門德總戎

南征化猿鶴鷁舟趨靈渠

魚貫守繩約風伯亦効靈帆行不能泊荔鬱四山合珠

璣萬民落暑氣靜韜鈴微涼度戎幕新愜良苗懷歡兆

凱歌樂我輩徒肉食執戈苦孱弱坐嘯頻倚樓平寇愧

方畧

以荔支分致志局諸君侑之以詩用山谷雙井

茶韻

秀峯山館吟伊吾渴夢晨展君謨書龍隱洞君奉命趨  
報以千斛顏虬珠舌本生津甘且腴楊梅山桃皆弗如  
千里瘴鄉賴有此從今不戀廬山湖廣州記廬山湖有楊梅山桃可飽啖  
不爲持去

送王西園偕次兒學崇回南昌鄉試二首

廿年散髮白鷗閑伴我驟鸞桂嶺間明月談兵諸葛壘  
臨風灑酒伏波山漢書一帙娛清晝西園日批漢書不輟錦荔千

盤佐醉顏弟子維駒張祖席河汾杖履幾時還

玉節當時秉鑑衡重開講席詔諸生舊栽桃李門墻盛

新蓄參苓藥籠盈命鯁同趨兒逐隊

時西園子保誠亦自粵回試江寧

鑄顏苦卓士觀成香雲

蘇潭書屋種桂處

應候秋風至來鶴皋

鳴第一聲

蘇潭有來鶴亭

### 題西園柴桑小影

舊夢峭函狄道間白雲出岫鳥飛還日斜倚樹吾廬好不辨匡山與錫山

### 六月廿三卽事口占四絕

殷殷雷聲出翠微搖窗蕉葉綠添肥香銷鈴閣揮毫罷捲起珠簾看雨飛

山田易涸望難盈沙土何堪十日晴天到粵西心更苦  
不拘常例潤蒼生

翻起癡龍怒欲翻濛濛遠勢接湘源村村永息狂夫走

不用攔輿到戟門

粵俗村民千百成羣以賽神求雨爲名入城挾制官長遇肩輿者立叱使

下余先期出示率屬步禱禁民無得入城此風稍戢

雲輪說法証瞿曇太乙雄神廣福參

初迎廣福王入城步禱復以大雪降

經及木郎咒令僧道虔誦果沛甘霖木郎太乙三山雄咒中語也

畢竟功成誰是主一

天秋意滿空潭

### 輓馮星實二首

十年甘侍養一瘧竟亡身料事談言中臨岐執手頻高

堂駕水夢別業聖湖春顛躓邀恩眷先生自隱淪

鴻臚官兩度玉局註千言刻蘇詩集注行世同舉君年少論交

我意敦急難書牘背互訪過籬門君開藩南昌訪余于蘇潭余官浙江亦訪

君于角里街老友數行淚傾同湘水奔

四兒阿福六月廿六日週晬次日桂孫彌月志

局諸君以詩見賀奉荅二章

耆年生四子垂暮得雙孫周歲金盤集三旬繡褓溫隔

宵尊共設除閏月同元今年閏四月桂孫生于五月廿七日子時若無閏早一刻則同

月日博得賓朋盛新詩燦滿軒

曩時艱得嗣再索勝連城豈意孫枝益還如季子清白

頭徵預兆老眼望蜚聲果否秋風捷先符福桂名

時次兒學

崇應秋試

潭溪師去秋得裴山學使手書兼聞啟昆擢粵

撫之信作詩見寄隔歲始到和韻二首兼東裴

山

蘇門落落隔參辰聽雨齋頭憶舊筠桃李同心尊北地  
桂林故實述西賓藤花屋老天涯夢廬嶽秋深畫裏人

又是槐黃橙綠候京華別感倍情真

登科癸卯接庚辰

余庚辰會試泰山癸卯鄉試先後同出師門

樗櫟材慚竹

箭筠啣

命欣同泛湘楫採風定繼控鸞賓清尊銅鼓

敲詩地畫舫蘇齋問字人他日對牀添故事元常侍許

龔全真

師與啟昆舊有對牀聽雨圖

附錄原作

幾得黃花綠酒辰苔岑心共切松筠雙藤屋古畱茶

夢八桂山青對主賓今夕唱酬俱憶我同門前後兩

詩人秋光記爾傳神筆此是匡廬面目真

裴山京寓予爲題曰



質藤詩屋予昔視學江西褒山  
寫匡廬秋色圖贈行故有末句

題胡蛟門先生願壽堂詩集後為維君賦先生官靈

石縣築萬金堤捍水  
民號曰胡公堤

散髮歸來十載餘羲皇一枕夢遽遽先生高卧詩  
一枕羲皇夢河陽

花落悲前度先生草堂詩安  
仁有賦太悲悽彭澤尊開賦遂初靈石金

堤畱善政鳳橋麟閣有傳書先生示兒詩自注先吏部  
公計偕參政公送至鳳皇

橋吏部指以屬對參  
政應聲曰麒麟閣孝廉濡淚鈔詩稿風雨環山憶舊

廬

暇日校志書畢采古今土風作桂林雜咏十二

首

椎髻文衣襲古風下船三拜雨濛濛不須耶卜兼鷄卜

日日焚香祀孟公

粵人有耶卜鷄骨卜之法將發船則殺鷄取骨爲卜以肉祀船神三拜三

呼孟公  
孟姥

乾菌蝦蟇味可嘗十年魚鮓白花香綠荷包飯墟初散

又趨鄰燈補破裳

粵人好食蝦蟇仍重乾菌爲糝又以魚爲鮓數年中生白花有至十年不

壞者南方謂市爲墟趨墟者多婦女柳子厚詩綠荷包飯趨墟人是也居民四壁不加塗泥夜間焚膏其光四

出俗云一家  
點火十家光

清湘一曲畫橋東曙鼓鼙鼙桂樹風船在水皮剛尾殺

隔河關吏放艤

俚言舟行曰船在水皮上船在後曰水尾殺桂林水東門外欄江有樁商

納稅于此

路上行人口似羊羴脣如血醉檳榔銀奩茶榼分貽徧

送老同來坐繡牀

粵人嗜檳榔日咀嚼不輟故有路上行人口似羊之嘲婚姻以檳榔為聘

嫁女之夕女伴迭相和歌舍情悽惋名曰送老言將別年少之伴送之偕老也

結棚巢居似掛獾平南合口樂陶陶蘆笙竹管同時奏

蘇幕遮聲月色高

民多居山半結棚自衛皆能合樂平南舊有教坊至今能傳其聲蘆笙竹

管其樂器也桂人倚蘇幕遮為聲欽人倚人月圓

踏梯人摘紫茄肥寒煮銀鈍扇尙揮不乃羹同香櫛啁

春堂響和紡棉機諺云踏梯摘茄子把扇吃餛飩蓋茄  
餛飩口嚼食須用扇也不乃羹者以牛羊腸臙爲羹臭  
不可近靜江女伴春禾于堂以意連杵成音韻名曰春  
堂

洗兒三日飯盤游不熱蘭湯濯冷流寧馨誰家甘棄置

產翁終日抱牀頭

婦產三日洗兒作團油飯以煎魚蝦

飯也婦澡身于溪河返具席以餉婿婿擦  
衾抱雛稱爲產翁其生子不舉者曰淹兒

四尺裙拖夾婢行那聞聯臂踏歌聲休教捲伴離鄉去

叢竹荒亭露易生

婦女多不纏足裙長四尺夾婢以行竊人之妻以行者曰捲伴

競渡灘江奪彩舫香囊角黍弔湘靈白衣長袖郎當舞

腰鼓如雷轟石亭

端午婦人製佩五色香囊角黍相餉競爲龍舟之戲舟載數十人右麾白

旗左麾長袖爲郎當舞腰鼓多用羊皮或以蛭蛇皮鞞之聲響特遠桂俗最盛

水到春殘霧雨多中人草子漸成疴雲端萬丈天泉落

定勝山間竹筧過

春夏多瘴霧水尤有毒中瘴寒熱失語曰中草子刺舌尖出血謂之挑草

子閩氏粵述極稱南丹竹筒分泉之巧然孔雀所糞巨蟒所浴泉亦有毒余近以大缸十餘器盛天露水飲之甘潤無有倫比

杜老詩篇信有神梅花雪片照冬春炎荒瘴癘從今少

世界清明反畏人

杜工部寄楊五桂州詩云五嶺皆炎熱宜人獨桂林梅花萬里外雪片一

冬深余去冬至此即見大雪其言果信然邕宜諸州近亦有雪不獨桂林矣

青羅帶與碧瑤簪好景搜羅不厭貪簾捲清風殘暑退

一聲銅鼓出花南

署舊有銅鼓余覆之以亭近以清風堂顏廳事取白太傅送桂州嚴大夫

詩句也

### 至公堂卽事四首

鎖院香生桂海邊兩行椽燭畫堂前遴才未滿三千士

漸

化還經二百年獨秀當頭山壓屋中秋洗眼露橫天數

占九五題名客齊學驟驚夢得仙

應試者二千一百七十餘人中額四十五

名

簾分內外棘森森共矢冰壺一片心桃李春風蹊路滿

山川秋色盡圖深

余考簾官以桃李自成蹊命題主司試士以山水含清暉命題

屏間

莫負

皇謨切

高宗純皇帝御製幸翰林院因便閱貢院四首座上屏風刻

夢裡如承

帝鑒臨回首卅年叨秉節洛陽佳樹尙成陰

庚寅典試中州

自有胸懷萬卷書解衣露索愧何如休教讀者訛燕燭

最怕鈔胥混魯魚

向來謄錄對讀多潦草余親自考選不使月充

八鑒太倉餐

授後

士子再飯不令充以粗糲

三條官蠟

墨酣初金科玉律宜親檢

德意宏宣爽亦除

紫筆拈來判朶雲只防關節不談文舊堦花發名王殿

貢院爲定南王府舊址

隔院旗開上將軍

院東爲演武場

百戰蟻聲空外

接諸天蟾影望中分撤闌恰近題糕節銅鼓亭高醉夕  
曛

和汪厚夫衡鑑堂卽事元韻

文星如鏡揭天衢象罔寧遺赤水珠藝角羣經供枕藉

校分八士會笙竽

東西八房

嘉賓燕樂垂青眼老子龍鍾愧

白鬚先後津門燒尾客起家同是一窮儒



賦得山水含清暉

縹緲騷鸞客，長空萬里秋。山奇無寸土，水碧有層漚。八  
桂高難並，雙渠浩不收。翠微濃欲滴，藍影醺還流。瘴霧  
西風淨，川原白日幽。濛濛朝氣散，采采遠光浮。醞釀乾  
坤外，縱橫楚粵陬。逍遙郡樓名任仙界，極目倚層樓。

中秋二首

傑構崢嶸逼玉繩，羣峰擁笏碧層層。壘催文戰高樓鼓，  
幾點春星矮屋燈。試院茶香心味永，坐窓人瘦眼花騰。  
用黃山谷禮部試院觀李伯時畫馬詩意風簷夜也涼如水，射策分曹記昔

僧

妖墓初退淨無埃

是日寅時月食卯正復元

依舊奎光接上台洞古

時看雲氣鬱夜深疑有月華來

用范成大記七星岩遇月華仙人事桂林

子落仙巖響湘水珠明使桂廻計日天南騰露布機槍

星已掃河魁

### 雜詠八首

西風已作十分涼影落衡陽雁一行衙鼓寥寥人未寢

青紗帳外月如霜

主司監臨例有青紗帳

濕薪爆竹動炊烟早有庖人治粥餽割炙傳餐朝日上

書生風味想當年舉子每飯一齋必親嘗徧給

三聲動地礮如雷魚貫青箱授卷來人携竹箱一具秋盛食物器皿

日懸暉空瘴雨粵西多雨三場皆晴今科定獲揆天才

紅號寧教坐號同糊名片紙不通風拈來次第無心定

五色迷離屈至公紅號最易滋弊余率提調監試親自編定不假手吏胥

一經自畫陋堪嗤六籍同登逢盛時左氏春秋費氏

易司空祭酒奉前師余今年奉蒼梧漢祭酒陳長孫神位于秀峯書院春秋以時致祭著

例為

改塗添注減兼增白首經生病未能一陣退風吹六鷁

幾人點筆誤成唄

食葉春蠶靜有聲九天風露濕江城玉京尙撒瑤池宴

一曲霓裳奏未成

今年不筵宴不作樂

卅月羣仙會大羅泥金帖出喜如何滿城風雨重陽近  
八桂叢中落葉多

題李少鶴詩集

名憲喬

泰岱雲飛東海鶴炎風吹羽桂山落精鶩八極渺倉粟  
胸鬱奇氣出芒角岑溪老尹髭如絲不名以吏名以詩  
駭犀狂象百蠻走不遇說法蘇潭叟

桂香集卷之三  
九月初五日同錢襄山學使清平階方伯公晴  
巖廉使王梅岑陳耐齋兩觀察邱芷房張枏軒  
兩太守餞送主司汪厚夫韓湘帆於棲霞寺卽  
席得詩四首

使星雙指斗牛宮  
文教漸摩五管同  
騏驎材呈銅馬外  
楓枏質採瘴花中  
山川定續虞衡志  
雅頌仍登粵嶠風  
入對彤墀誠度切  
鵲音已報泮林空

清景娛人何處尋  
急思策馬快登臨  
海山洞壑鐫名字  
水月光華入袖襟  
夾路黃花迎簞節  
極天秋雨動箏吟

辦香願奉如來座無垢燈明照慧心

幾家樓閣納嵐光髣髴影茶烟話石床新句看籠雲老壁  
妙香吹滿贊公房維駒客去虛苜蓿鳴鹿歌停罷篋篋

今年停鹿鳴宴隔歲皇華咏原隰輶車重過狀元坊范成大淳熙甲午桂

林鹿鳴宴詩註趙觀文王世則皆郡人魁天下今狀元坊在焉

燒燈擊鉢韻頻分祖席壺觴笑語殷三世論交慚老輩

厚夫令祖持齋先生余為翰林時屢承緒論同年感舊紀前聞湘帆令伯東篋為余庚辰

同踏歌似泛桃花水掘管能開嶽麓雲匣裏龍文須入

貢慎防攝取洞庭君

題萬卷樓圖爲雒君作

江西叅政五世裔家住龍眠登蒼翠于今方策垂在人  
自昔樓臺起無地有闕斯續藏必珍能讀者誰胡徵君  
匠無將作畫無史能繪者誰錢學使萬笏參天萬樹林  
風雨環山抱膝吟泉河水道疏南北尙書孔鄭分古今  
拄腹撐腸萬萬軸廣廈萬間貯不足胸中邱壑眼中烟  
何時突兀見此屋雒君五世祖璣字伯玉萬歷進士官  
都水主事分司南旺著泉河史舊有  
萬卷樓燬于火雒君欲築之  
而未果雒君治尙書名家

山七星崖登碧虛亭二首

杓魁掛戶近堪捫手抱天漿覆下元遠水東來微似帶  
羣山北拱勢如奔何人墮淚成終古我輩高歌屬一尊  
蝸壳蜂房自開闔十年回憶落星墩廬山有落星墩余  
掌教鹿洞曾一登焉

玲瓏穿月有雙洞縹緲凌風復此亭足倚孤筇貼危石  
眼橫千里撒疏櫺亭四面  
無窻格桂天浩浩連江白湘岳濛濛

罨樹青吹笛仙樵或余導不誇腰健繩幽冥諸公游棲  
霞洞余謝  
未能  
也

九日同汪文軒韓湘帆李松圃朱芝圃登劉仙



岩歸飲銅鼓亭  
裴山以恙不至得詩二首即東

裴山

同佩茱萸到瘴鄉  
偶因休澣作重陽  
花如人瘦偏慳雨

樹通天高不受霜  
送客心隨紅雁遠  
求真髻照綠波長

是日由水月洞  
泛舟至劉仙岩  
棘闌有約君能踐  
敲斷銀釵醉一觴  
見至

公堂即  
事詩

落帽諸公頭尙黑  
題糕老子頰微醺  
仙翁蛻後誰能任

詩境叅來自不羣

龍隱岩有陸放翁詩境二字

送喜天邊騰露布  
吹

空地簾捲秋雲我無七  
發紆癡結江上峯青對仲文

劉仙崖冷然閣和元人韻四首

綠雲如海氣濛濛上隔天關只一重我輩憑高同羽化  
更從何處覓塵踪

鳴騶恐被山靈誚跨鶴偏憐入道遲紫菊且浮杯底物  
金丹未換鏡中絲

仙班舊侶還三館謂芝圃絳節西風上九重謂汪韓二公明日

白龍山下路鴻泥畱印去時踪

無心出岫歸雲疾謂松圃拄頰看山下閣遲蘇潭自謂也落日

兒童齊拍手好風吹帽颺鞭絲

附錄

絕句二首贈劉仙巖道士胡清安西夏觀音奴魯山  
書至元四年閏八月二十七日

道人家住仙崖下山逕秋深落葉重只恐羽衣歸去  
晚上山迷却下山蹤

石洞雲深龍出早仙巖月冷鶴歸遲道人政自眼如  
漆莫遣秋風吹鬢絲

九月十八日盼家書不至賦示學崇

全牛力屈小於菟豈有虹光射斗墟妄說文章驚老宿

場中三藝寄呈襄山學使汪韓二日占烏鵲望鄉書珠  
主司及同考官八人皆以爲必售  
宮桂子三秋落羽曲霓裝一夢虛自古名賢憂早達時  
粧休恨畫眉疎

次早得捷音志喜疊前韻再示學崇

南昌西望渺愁余龍躍天橋夢故墟

江西貢院在  
龍橋東

種樹

求佳承世德問年方稚廁賢書名徵福桂詩先兆

今夏  
四兒

阿福周昨二孫桂官彌月余有  
句云果否秋風捷先徵福桂名  
卜中否拈得梅枝射策金門須  
新枝桂吐英之句力春官桃李看扶疎

李松圃憶鶴圖四首

樹根趺坐意何如  
目送浮雲萬里孤  
處士當年梅共玩  
先生今日鶴全無

相賞清標世豈知  
羊公宿嗜有情癡  
松陰滿地無人到  
瑟瑟風篁自語時

客友閒君惟少鶴  
一樓詩語學長江  
相思落落風塵表  
像鑄黃金恨少雙

骨重神清貌轉肥  
眼中想見舞依稀  
東坡尙滯黃州夢  
一笛橫江白羽歸

書慶歷四年瘞宜賊首碑後

區氏黠蠻宜州屬狼狽相倚荔波族安化從征功不錄  
白崖亂起逐奔鹿目者妄言止封侯野性安能受羈束  
自爲令公桂州收開基建國奉阿叔帶溪普義相繼下  
聲播二廣及衡楚樂道楊無功更置帥偉長轉運詔書  
速誘以自新乃聽命黃泥九居勢窮憾伏兵忽起縛厥  
魁犒宴生剗机上肉官屬二百首千級聚而殲旃何太  
酷醢賜洞蠻千百區更圖五藏剗其腹築爲京觀示勳  
伐孔推官記照山谷罪莫大于殺降人公儀奏劾議非  
瀆朱孱武備弛不修好殺焉能戢南服兵氣未靖職此

由廣源火嗣亂相續杞也博覽通術數自卜死期四十  
六有鬼爲厲見二首據厠居然所寢獄要知殘忍生坎  
心妄說陰陽有報復白起卒遭杜郵禍項羽終被垓下  
戮祇今思恩入版圖戰骨沙沉瘴江綠曼陀羅花開滿  
山忍使邊民醉耽毒

思恩諸郡飲曼陀羅花戕  
命者甚多出示厲禁之

古意八首

通經本致用此論人人知用之失其當不如卷藏之畫  
餅不果腹烏喙甘如飴誰料殺身禍不如長守饑

鄙吝執卞壺風流士林仰清言能謾國元默安所放百

覽延陶侃平賊如反掌元規拜下風浩歌結心賞

龍門汲後進抵掌談詩文老臣守靜重充耳若不聞獨

與同志士抗節凌青雲胡爲百世後但揚騷雅芬

經濟要乘時浮名易動衆事業過烟雲著書壓梁棟卿

相失蕭曹文章埋屈宋祇餘一寸心情田自培種

聖人識麤麟商羊及萍實苟非徵文獻焉能辨倉猝博

學務一貫官禮歸纂述考證安可誣勿鼓膠柱瑟

曠蕩衡門予動言委君相天下盡若輩狂瀾不可障士

生一世閒積善隨分量作達偷苟安毒甚熱海瘴



南浦有佳人十載守空谷才影臨秋潭翠袖倚修竹捲  
簾通一顧清光照寒玉笑彼邯鄲娼失身委溝瀆  
貞白本妾性門戶要扶持尊嫡連臧獲恩義不可遺中  
饋偶失職卽是婦道虧齊家能正國三復鴈鳩詩

吳蘭雪以詩冊見贈題其後二首

槐花歸踏馬蹄忙柘館新田未雨霜一紙多情吳季重  
懷人清夢到灘洲

卅年登第頭仍黑千里投詩眼獨青愧殺鶴雛初試舞  
也隨老鳳展風翎

次兒學崇今歲與  
蘭雪同登秋薦

聞浙東水災詩以訊之兼東秦廉訪小覲三首

伐蛟無術罪有司山摧海立雲倒垂不見漸水報江涯

漸水用元迺易錢塘頃刻浮生屍側聞方伯行仁術中

丞飛章告以實我民雖災寇亦沒鯨鯢自葬海中骨今年

浙江艇匪遇颶風漂没千餘人

樹杪飛魚掛屋間括蒼萬戶民其魚鳥傷可傷城啼鳥

詔下蠲租卹其孥前年我值海潮嘯親行溫台賑萬竈

今年漲比往年暴中澤之鴻要宣勞

同官難得同西湖氣類真如針芥孚手足頭目交相扶

三公之樂

樂何如

謂阮芸臺中丞劉理圃方伯

淮海聲名隆豈府入

覲歸來作

霖雨海棠橋畔風月古相思樹好爲君補

少

游海棠橋在橫州今無海棠矣

清風堂草上

南康謝啟昆蘇潭

辛酉元日

持節剛踰載孤忠勵此誠

聖訓益勵忠清

三關明雪色十日

得春聲

去冬各郡屢報得雪臘月二十一日立春

邊草爭詩發湘江學吏清

宮花隨席帽穉子問前程

次兒學崇北上舍舟登陸此其時也

攀髯三載慕又聞鼎湖春琴瑟張猶待鯨鯢翦及辰荆

岷聞捷至將校拜

恩新願上平淮頌歡騰百粵臣

續古意

自古皆有死志士分重輕問心苟無愧年壽齊殤彭譬  
如浮海人性命委長鯨柁正一帆勁千里登蓬瀛長懷  
覆溺懼不如守躬耕捐軀既不辭萬事安足營寧留豹  
皮死不願蛙井生

憔悴黔婁子不受嗟來食寂寞於陵君窮餓非所惜吹  
簫行乞市歌聲出金石蔽膝無鶉衣腹不飽糠核有身  
且爲患身外求何益何物爲我親無物乃大釋浩然天  
地寬寧受五窮厄

二月廿日邀李松圃沈秋渚胡維君小飲牡丹  
花下得詩二律次首誌舊感也

中人何用費高貲  
深色叢叢出艷枝  
夙種自操回瘴骨  
忙時肯負賞花期  
節先穀雨爭春發  
座有清風帶晚吹  
換我衰顏丹更渥  
當杯生怕酒行遲

彩筆朝雲裏  
通衣香十里  
畫橋東邗江舊夢驚秋露  
薇省相思又曉風  
何意黃茅青嶂外  
移來雕玉鬱金叢  
着酥未忍留殘蕊  
廿載芳心倚斷紅

天臨海鏡

會試題

知臨照日月明鏡燭垓垓星宿原通海銀潢本自天同  
流包上下懸象徵中邊寸管光難測神犀怪可燃無私  
偕象譯有截靖樓船王會歸三極圓靈溥大千授時周  
鳥火悟道察魚鳶

帝鑑超隆古寧誇曲水篇

天中原覆海海外更周天位仰

君臨正心如

慧鏡懸高深資藻鑑亭毒賴陶甄恢綱仁兼育環瀛智  
大圓無煩周髀算不待木華詮日麗光羣彙春涵別衆

妍健行嗤豹 澤潤及鯢淵願進重華頌同賡復旦篇

五月朔日盼學崇捷音不至書以自遣

榜揭天衢已二旬遲他飛騎隔紅塵三篇摩練難云合  
一字推敲恨未真驥欲騰空防暫躡劍經再淬始通神  
兒曹勝負尋常事望眼偏懸白髮人

題施春山望雲圖二首

書劍脩脩入桂林朱華白萼補風吟碧天有盡思無盡  
夢裏高堂萬里心

負米寧辭路阻長稽山一髮是江鄉無多梧竹偏遮眼



帛雁歸飛帶夕陽

自題啖荔圖五首示兒子學崇學垌學培

六經課罷渴思漿謾謾松風五月涼入夢海山仙果熟  
堆盤爲汝浣枯腸

不負衝炎粵嶠過側生親見樹婆婆頰珠照眼傾鮫室  
車載無嫌速謗多

梧江相贈貯筠籃閤室分嘗一味甘簾捲清風無別物  
癡兒應笑老夫貪

圖昉南賓色味同敢勞驛騎踏塵紅不憂飽食添中熱

人在灘江水月中

巖人香霧曉離離一幅丹青可療飢京國親知如見問  
未堪作賦效崇龜

挽節相書紱庭二首

西川金鼓震威名草木風生塞外兵少日勲猷推衛霍  
暮年相業繼韋平死綏誓作三軍氣裹革心輕萬里行  
遺命以一幅遺章濡血淚漢江猶聽馬嘶聲

此地當年啓戟門

公曾任廣西提督

清江節鉞載餘芬

公督總兩江昆

爲河庫道

蕭曹治靜期無擾絳灌才高豈用文章葛風流如

下士兜鍪面目淨妖氛凱歌計日喧川楚紫閣重看畫

戰勲

公征金川時  
繪像紫光閣

與內子閒坐望學崇不至偶成

繞郭峰多接畫陰後堂疎箔暑難侵此間政簡饒清福  
與子身閒証慧心鼓角午催聲幾疊門闔日盼路千尋  
雲中老鶴將雛急六月培風佇桂林

每日午飯罷王清埜以茶飲余率成二首兼柬  
沈磐谷胡維君

梧桐小院晚陰碧蕉扇風輕生兩腋平頭奴子解人意

癖有王蒙不受厄東陽觸熱帶圍寬火雲沃雪浸肉山  
蠻方地僻無佳處剩有官齋啜茗閒

西江慣作浮梁賈鄉人嗜茶過陸羽瘴烟雪滯尤相宜

松風颯颯竹窻雨安定校字如貫珠千卷挂腹堆琳腴

六洞

龍勝茶名

不入君謨譜小草休登貢賦書

向有以龍勝茶入貢者今

悉罷去雜君時修省志故云

### 將修宜山黃山谷祠作詩示慶遠守

黔州謫後又宜州跼蹐天南一戍樓文字中人真可怕  
姦邪誤國孰能瘳湖山俎豆宜今日風雨城闌似故秋

鐘乳書成麟筆絕新祠佇爾繼韓侯

宋韓璧守是州首  
新山谷先生祠

寄題橫州海棠橋時亦有修少游祠之舉

璧社珠光掩太虛西風吹泪賜環初  
貶官竟坐同奸黨

得罪非緣寫佛書香稻水清新雨足  
海棠夢醒舊花疎

將軍好事今誰再春韭秋蘋一企予

宋劉受祖海棠橋  
記淳祐六年石驍

騎將軍李公植捐貨帛  
三萬率吏民共新之

附錄秦小峴廉訪和作

涪翁昔竄日南州目極邊城天際樓  
同文黨錮夫

已急僉人病國何時瘳崇寧事往  
劫灰滅漳江木

落蠻烟秋楚鄉亦有古祠在惜哉不逢康樂侯  
郴江水接灘江水元祐詞臣貶謫初春草已湮吾  
祖跡秋風忽枉故人書祠荒古岸微雲抹花落寒  
城畫角疎幸有中丞能起廢不須南望賦愁予

### 洑波山

樓船百萬截滄波妄說將軍此地過嶺在祇今餘戰鼓  
沙明到處有沉戈千尋銅柱搖苗畏十篋明珠蕙苳多  
陋俗從來憑耳食三江廟貌共嵯峨

去夏友人惠荔支數盆今歲結實者三以一貽

裴山兼柬以詩

廣南荔支樹遷地不能植粵西宜柳梧桂林則未識夫  
歲故人貽盆盎費遠力隔春枝葉繁青綻乳花色豆垂  
初尚多杏殤旋可惜就中三枚熟未隨碩果食石髓艱  
中散蟠桃客仙伯我衰緣不慳留此海腴碧一以奉祖  
考一以餉使客一以充老腹冰丸入口釋療渴寧在多  
金莖露同滴人生快意耳飽啖更何益萬里求茹醬千  
年採玉核袖裏懷虬珠此行信自得培根煩髯奴明年  
絡錦石老夫望蜀心烟雨想多獲貪饕聊自哂况居無

定宅側聞貢

上林頒賜珍拱壁先生值樞院分嘗定荷

澤清風薦瑤盤懷人寄遠驛

書融縣司馬溫公書家人卦拓本後

溫公治家如治國百世而下仰清德潛虛著論擬太元  
風火利貞取義畫想當退食居洛陽濟美公休侍前席  
吏局治書饒清暇椽燭高燒酒剩墨不工駢體工隸體  
健筆淋漓徑半尺鯉庭訓在曾孫承摹泐老君之洞壁  
何年更刻南屏山照徹西泠水天碧擊殘不共黨人碑



保護應珍玉融石西湖志誤和中書杭人未蠟柳州屐  
 嗚呼家正天下定生平所學有得力以身付醫家付子  
 煌煌正言凜易簣留鎮蠻邦宣風教虹光燭天浩氣塞  
 辛酉再入文闈監臨復成四律東李耐堂平竹  
 懷兩王司暨王梅岑陳耐齋兩觀察張枏軒太  
 守兼寄錢裴山學使

擁節仍臨桂苑新重光文治歲占辛青衿已倍常年額  
 此上屆多黃髮欣觀上國賓年七十以上者二十一豐  
 六百餘人人八十以上者一人  
 樂諸生親雅頌此間以應試之多弦歌遠塞靜風塵不

通關節知名久令甲無煩一再申

掄才典重玉衡持

帝簡青蓮與子思仙使雲司成往例中書薇省印清規

三公與庚申正考官汪厚天副考官韓湘帆同官秩風嚴吏識太邱範格好人賡

摩詰詩襄事同官皆熟手張髯醉墨更淋漓上科與今科皆梅岑

為提調耐齋為外監試梅軒為內監試

列岫嵐光雨後收棘闌兩度作中秋壁題自笑同芻狗

履跡重尋似磨牛明月依然千里共好花定比去年稠

座中青眼諸君在老子相看更白頭

霓裳許奏大羅天並醉宮壺舞列仙今年兩宴俱得用樂桂影吹

衣三五夜燭光彈指卅餘年余已卯鄉榜越今四十二年矣翹薪選慎

人無爽學使拔貢士四十五人適符中額之數舊貫圖新地豈遷時議擴充主考

同考官廨寄語仲文調玉瑟撒簾同譜鹿鳴篇

行不由徑鄉試題

極仰

天階建途懲俗士偏獨行真不愧捷徑豈爭先古道川  
原辨清心矩獲全臨岐泣楊路納履避瓜田步影中衢  
月吹衣九陌烟一身嚴進退異術謝周旋繩墨操常正

脂韋佩必捐絃歌徧炎嶠詎讓武城賢

連年誕日俱在闌中率爾書懷東沈秋渚

鎖院重逢攬揆初自然無客到門閤文章供養從吾好  
僚屬趨承任爾疎未必昨非今更是應嫌髮短齒全虛  
明年宦跡知何處桂醕同斟興不孤

雨後二首

秀峰雲漫空沛然灑場屋蠻方氣候殊秋草被綠緜濕  
香墜矮簷諸天散金粟應念舉子寒曲躬抱被宿

雨多晴亦易沈霧明螺鬟列舍炊烟動茶具瓦缶鏗一

飯必需

賜執卷遲啓關不辭足泥濘邊士知鮮艱

中秋二首柬耐堂竹懷

簷外香飄露有聲去年今日感同情三人座隔重簷影  
兩地輝分一樣清蠟燼棘垣金鎖動夢回畫省玉珂鳴  
爲詞射策龍門客幾度驚心聽五更

遇仙亭在路非遙秋色平分恰隔宵

十六亥時秋分識面山川

全未改依人風月又相招金蓮

詔寵頒三殿棣萼吟高動九霄

竹懷令兄寬甫先生曾典試廣西天語及之

午夜校文多逸興羽衣吹笛過雲韶

十六夜雨同秋渚作兼懷夔菴

星堂人散夜初澄對榻居然入定僧十載主賓隣古道  
一簾風雨耿秋燈蕭閑此境真難再恬退如君得未曾  
白雁嘶書何日到南泉清夢繞禾興

長歌一首贈李約菴

曩者作郡邗江上約菴維舟一過訪興酣爲詠三山圖  
勢挾春濤起墨浪是時都轉維朱公孝純子頻指頭畫法奪  
天工替君追摹出峽卷卷盡絕筆生長風我幕復逢夔

菴叟

吳克諧

一角遠山補折柳君出二圖屬我題戲拈秃

毫老蛟走雷光倏忽廿五年殘箋蝶化如飛烟君久屏

跡浣花宅我亦飄蓬宦海邊一紙書來黔水側落拓相

依有賓石

謂孫觀  
蔡西堂

松圃發函喜欲狂謂是京華舊相識

搏沙放手友朋散聽雨聯床弟兄析襪被不辭千里遙

宗義交情樂良覲回首把袂平山堂金帶圍開倒巨觴

閑斟歐井烹顧渚索和蘇詩到蜀岡離魂出險君方定

噩夢驚人我亦嘗夢蟲已歷半生苦蔗味安知晚境長

今日相遭愧開府碧樹關心聽銅鼓往事重談暗自傷

松園聞之舌猶吐朱公於今作古夔菴遠任浙江濱  
白髯蕭騷兩無恙與君照影恒河津示我居易新詩稿  
塊壘堆胸劇潦倒秋雨誰澆子頴墳暮雲遮目西冷道  
韋廬搜句亦清新棲鶴樓空渺芳草松園集名韋廬有憶鶴圖歸雲  
出雨抱懷殊朝市山林顏色好列坐占來不速客書生  
風味蔬笋食低首宣城我自慚並世長庚孰能敵蹉躓  
鑒井病何妨約菴有疾雙鑠據鞍驚可策蜀江發源通西  
江只愁桂林一山隔酒闌月出清風堂脫帽高歌拓鏤  
戟



九月初四日招約菴松圃小飲約菴有詩述懷

兼以誌別次韻三首

傲吏休嗟命不逢浮雲富貴等秋空課耕

圖名

自信餘三

樂居易

詩集名

何曾送五窮夢渴思吞巴蜀月興酣兼採

桂林風兒孫繞膝書盈屋得失參觀悟塞翁

匝月勾留覓句忙柔樽嘯傲好無荒烟雲載得圖連軸

珠玉攜歸紙滿箱老我風懷遜康樂君家兄弟似元方

謂松圃

瑯邪倒屣迎相見

謂王梅岑觀察

太白詩名徧夜郎

西望難攀駕鶴賓碧雲黃葉送歸人花間酬唱

梁外笙歌尚拂

塵是日鹿鳴宴初畢

垂老重開觀世眼回頭仍

現宰官身空中騎氣七星硯近莫悵稀逢參與辰

題韋廬把臂圖四首卽用裴山學使韻

金臺醉墨寫烏絲夢隔岷江水一涯忽報謫仙天上至  
聯床細檢十年詩

張范神交萬里同幽期人倚小山叢招來銅鼓樓頭月  
携得韋廬坐上風

萬人海裏早抽身拈斷吟髭白髮新落落落朋交如雨散  
天涯聚首只三人

不分舊識與新知會面人生鮮定期羨子跨鯨西蜀去  
東山何日是歸時

和約菴見贈二首卽送歸蜀

西蜀詩人似石丞蘇州唱和

謂韋廬

各爭能重逢桂嶺中

秋月坐對峨眉太古水舊雨壺觴欣暫合春風樓閣記  
同登不通名刺客長揖拔劍歌呼得未曾

立馬曾圖第一峰

約菴遊浙三載

驂鸞又看下虛空情回太白

深如水望愧東山義可風

贈詩有東山再老友身輕憐起領中丞之句

健鶴秋期道遠還飛鴻漫愁雲棧青天上夢逐巴江萬

派東

九月五日同人宴飲耐堂竹懷於棲霞寺卽席

成詩四首

難兄丰度披雲見

謂寬甫先生

奕世交情執手同

耐堂尊人爲余同年

經術平當雄海內詩歌李白數山東雙星計日迴牛斗

一葉兼秋度雁鴻採得桂林香滿袖囊慚陸賈貝珠充

七星倒影入深杯絃索聲翻洞壑雷禮熟何妨林放問

徑閒豈爲滅明開

皆鄉試題

霜寒桂嶺花初落露浥叢林菊

又催餞客餞秋成故事老僧應笑我頻來

桑乾水溢崖

宸心

詔使分頒內帑金此去泥塗成沃壤不勞圖畫寫哀音  
湘衡馬度晴雲曉瀛鄭車還夜月侵晝接定煩

天語問邊庭歲稔荷

恩深

譁卸天南萬里馳殊方送喜近臣知趨朝合撰淮平頌  
底績同賡河復詩瘴草蠻花勞使拾杉烟箐雨繫人思  
明年述職

珠光上界應璇宮偉哲多爲列宿鍾自古玉虛懸帝座  
曾聞仙籙掌東峰蜀銷鋒鏑營空柳粵卜科名鏡兆蓉  
享祀于今並忠義與關帝同列祀典初哉諏日紀元冬

辛酉再典武鄉試卽事二首東清階平方伯公  
晴岩廉使王梅岑陳耐齋兩觀察

粵人矯健技穿楊獨秀峰前鳥翼張劍戟已銷邊氣靖  
千城預貯士風揚驥蹄偶蹶仍追日鷹翮重摩試剪霜  
取中多去年額滿見遺之士莫聽鼓鼙思將帥就中誰是郭汾陽

縛鷄無力一書生賴有同官互校精纔入龍門書策罷

又彎猿臂聽弓鳴

諸生試策論後各挽硬弓

貔貅百萬宜休甲

川楚有奏

凱之

風雨中宵欲洗兵

連日大雨

若輩承平思報効飛騰

紫閣共題名

揭曉日作

兼資文武愧深衷四度丹毫勒字同

文武兩榜俱前一日朱書中字謂之

簽須信此科唐代重政言一顧冀羣空蕭騷連夜寒階

雨彷彿重陽落葉風好好分明經衆目

卷分雙單好字

老夫差

免請冬烘

鳳珠龍寶各呈奇

第一名張志鳳三名陳天龍四名雷國寶

二名陳良珠

多士欣

遭凱宴期暗裏亦能矜射策

仍用  
彌封

清時尚欲賭舉旗

深知角藝三年苦忍使披沙二郡遺

鎮安太平應試者  
寥寥俱以不合式

見夾道依然迎畫鼓鷹揚合奏會朝詩

### 題鄭弗人野雲居詩集二首

書傳二老有詩孫抱膝愁吟藁尚存怪底郊寒兼島瘦

白雲停樹泣孤村

小樓臥聽雨聲過無藥安心奈病何蘭玉竟同蕭艾折

暮蟬衰柳斷橋多

弗人寓居西湖有日落斷橋紅一角  
衰楊幾樹已無蟬之句未逾年而歿

### 送裴山學使入都四首



如此交情勝飲醇抱懷不語更誰陳三年寤寐誠無間

一卷詩篇信有神

唱和詩已成卷

瘴國漸人難免俗先生著手

自回春試看拔士多魁傑我亦分榮覩席珍

拔貢會同覆試驗看

多傑出者

千佛經題第一名

已酉會元

鄭虔三絕筆縱橫人中朗朗王

山照江上泠泠湘瑟清馳檄高文曾喻蜀

戊午典試四川執經

稚子許登瀛

次兒學崇受業門下

虞山探得簫韶曲譜入諸生雅

頌聲

蘇齋著錄幾人存

與裴山同出覃溪師門

冰雪松筠誼獨敦人贊

樞廷

天眷篤承歡紗幔母儀溫洞庭霜落風帆穩楚甸氛清  
露布喧善後須才咨碩畫新除

詔看下金門

談兵同上伏波臺節鉞籌邊愧不才啟事敢邀公入幕  
臨風時喜客嘶杯皇華載道催黃葉雪片迎人動早梅  
仙使星迴天萬里燕雲猶盼雁飛來

題吳山雅集圖二首

圖中七人程易疇錢可盧

懷粹鄭書常皆以孝廉方正徵者易疇自  
新安來杭諸君俱居余幕也時戊午季夏

名山名士夙因緣此會真堪幾百年江海潮生留舊夢  
東南才聚似飛仙一樓鐘鼓三生聽尺幅烟雲萬里傳  
玉洞紫陽題姓字他時采入鶴徵編

逢繹允麗劇文游暮景飛騰又幾秋白岳幽人千里至  
青衫勝侶並時收禪依蓮社同參偈笛憶山陽一轉頭  
謂懷粹老眼高歌望諸子西園設羨昔風流

和吳蘭雪周定王蘭雪硯歌寄呈覃溪師

往年我獲永平磚今歲師得周藩硯磚殘秘府拋錢璫  
硯出故宮溯古汴汴水來朝歌九章年獻騶虞賦宗燕

宮詞百首痛前朝圖呈庶草有深見朱邸書堂翰墨香  
蘭亭快雪臨摹文房玩好錫嘉名不數綺華羅廣殿  
世子親師劇風雅義正錄繼賢王傳圖書萬卷築東陂  
賓客一時充上選黃濱水高隲大梁雨立諸王泪洒面  
寶器沉淪金像存此硯有靈護空院玉蜍不隨金椀飛  
鸛眼親看棘駝變江南國破米山留銅雀春深剩瓦片  
蘇潭蘇齋同作供他日濡毫約清彥

謂蘭雪

附原作

吳嵩梁關雪

周藩宮裏端溪石留與蘇齋試煙墨四百年來壁水

香鑪題小篆看猶識騶虞獻後歸大梁不願移封就  
洛陽師儒曾重劉長史詞賦雅重東書堂鎮平博平  
皆好士南陵西亭亦相繼本草流傳爲救荒幽芳千  
種誰重繪汴河橫決浪如山迎取金容涉水還一片  
仙雲依舊紫又隨玉椀出人間元朝宮樹傷心碧樂  
府當初歌不得斜陽秋雨十三陵今日蟾蜍淚同滴  
未央殘瓦永平磚都與人家作硯田尋常故物猶難  
得名字關心倍可憐

和裴山將發全州見懷之作

帆轉湘灘入楚深三年回首惜光陰緩流渠水知公意

舟行十五日始抵全州

老節山松共此心來詩云萬松蒼心驛使曲傳

江上瑟詩篇載勝棠中金梅花嶺外東風發日日相思

夢寐尋

五瘴能祛洗伐深手栽桃李已成陰借籌兼熟河渠志

返節無忘保障心

陡河詩四首言疏濬之法甚詳

立品潔真如美玉結

交誠可斷純金洞庭波遠黃樓雪命駕敲詩費獨尋

### 韋石一首爲李松圃賦

十年前讀韋廬詩今日來觀韋廬石詩如石瘦無皮膚

石轉因詩想標格子由好尚識東坡珠海移來彈子窩

令弟秋屏自  
粵東移贈

空齋千尺碧雲墮割取萬頃東溟波焚香

掃地坐題詩疣琴鼓罷月生時蘇州臭味交淡泊對床

風雪似西池一聲鶴語憶清夜

松圃有  
憶鶴圖

故人不來阻幽

柳醉後淋漓汚袍笏只恐星飛半空化粵嶠春回古蘇

侵輕敲不敢和韶音海嶽山空雪浪沒瘴鄉留此秀孤

岑蘇潭與君有同癖劇欲借觀那可得他年桂水浮輕

裝可壓歸航傲陸績

小除日清風堂卽事八首

印床封後政多閒十日九風常閉關障眼燈昏書字大  
撚髭坐久吟詩慳

何事梅花嶺外稀應緣瘴海阻仙妃殘縑譜出相思曲

一片香雲濕不飛

署中無梅日  
對畫梅一幅

地爐無火尚蒸霞銅鼓亭高日易斜雁沒不知天路遠  
春歸半被亂山遮

桃枝破臘放花濃桑上寄生更耐冬蟲飲屠蘇齊脫帽  
簾衣不下燭光重

杯觴餅餌故鄉情帶水盈盈接灌城千里蘇潭無舊夢



十年池草不重生

崔苻無警敢偷安巡邏猶聽戍鼓寒慚愧老夫腰脚軟

未能微服步蹢躅

冬月司道以下夜巡余老病未能也

漢上歸舟羨仲文

謂裴山

江梅萬樹夾行軒料應跨馬衝

寒去一路題詩到薊門

至漢口舍舟遵陸正此時也

蠟鳳累棋各鬥新閒庭飛絮問詩頻辛盤餽飮歡留處

風雪騎驢念遠人

次兒學崇三兒學炯同入都